

Boek 1 - Hoofstuk 2

[11] Want geloof is so `n Lig en My Naam, waarteen die magtige strale van hierdie Lig gerig is, is die krag en mag en die eintlike natuur van My oorspronklike wese deur wie elkeen binne homself die regte en **volwaardige geldige seunskap van Elohim verkry**. Dit is waarom dit in vers 12 staan dat almal wat My sal ontvang en glo in My Naam, die mag sal hê binne hulleself om tereg "kinders van Elohim" genoem te word.

13 Wie nie gebore is deur die bloed, nie deur die wil van die vlees, of die wil van `n man nie, maar van Elohim.

[12] Hierdie vers is `n beter definisie en verduideliking van die vorige een, en in `n meer egalige vertaling kan die twee verse saam ook lees: "Maar diegene wat Hom ontvang het en geglo het in Sy Naam, aan hulle het Hy die reg gegee om 'kinders van Elohim' genoem te word, hulle wie nie gebore is deur die bloed, nie deur die wil van die vlees (begeerte van die vlees), of die wil van `n man nie, **maar van Elohim.**"

[13] Dit is ongetwyfeld dat hier nie van `n eerste geboorte as vlees van vlees bedoel word nie, maar slegs **`n tweede geboorte van die Gees van Liefde vir Elohim** en van die Waarheid van lewende geloof in die lewende Naam van Elohim. Wie genoem word JaHshua – JaHWeH – Sabeot (van die Skeppingsleërmag). Hierdie tweede geboorte word ook genoem "**die wedergeboorte van die gees deur die doop vanuit die hemele**" waar hierdie `n goeie definisie is.

[14] Die "doop van die hemele" is die volkome **verandering** van die gees en siel met al hul begeertes **na die lewende gees van liefde vir Elohim en die liefde in Elohim Homself**.

[15] Wanneer so `n verandering plaasgevind het deur die mens se eie wil en al sy liefde woon nou in Elohim, dan sal deur so `n apartgestelde liefde die hele persoon woon in Elohim waar hy na volwassenheid gebring word en versterk word as `n nuwe wese en dus, na verkryging van volkome volwassenheid, **wedergebore van Elohim**. Slegs na so `n tweede geboorte, wat voorafgegaan word deur nóg die begeerte van die vlees nóg die mens se verwekkende wil, het die mens `n ware kind van Elohim geword, danksy die **barmhartigheid van Elohim** wat `n vrye mag is van die krag van Elohim se liefde in die menslike hart.

[16] Hierdie barmhartigheid is eintlik Elohim se magtige aansporing in die gees van die mens waarmee hy **getrek word deur die Vader na die Seun**, dit is, na die geestelike Oorspronklike Lig en wat ook Hy is, en bereik hy dan die volkome en lewende Wysheid van Elohim.

Die menswording van die Ewige Woord [Johannes 1: 14-16]

14 En die Woord het Vlees geword en het onder ons vertoef - en ons het Sy Glansrykheid aanskou, `n Glansrykheid soos van die Eniggeborene wat van die VADER kom - vol van Barmhartigheid en Waarheid.

Hoofstuk 3:1 Wanneer die mens op hierdie manier die ware seunskap van die Elohim bereik waarin hy as't ware gebore is van Elohim, **die Vader of die Liefde binne Elohim**, bereik hy die Glansrykheid van die Oorspronklike Lig in Elohim wat eintlik die geestelike oorspronklike Wese Homself is. Hierdie Wese is die eintlike Seun verwek vanaf die Vader net soos die Lig verborge rus binne die warmte van die Liefde, solank die liefde dit nie versteur en dit uitstraal uit homself nie. Dus is hierdie apartgestelde Lig eintlik die Glansrykheid van die Seun vanaf die Vader wat bereik word deur elkeen wat wedergebore is en hy word dus gelyk aan hierdie Glansrykheid/Heerlikheid, **wat gedurig vol barmhartigheid (Elohim se Lig) en Waarheid is**, as die ware wesenlikheid of die vleeslike Woord.

15 JOHANNES getuig van Hom en roep en sê: Dit was Hy van wie ek gesê het: Hy wat ná my kom, het voor my geword, want HY was(IS) eerder as ek.

[2] Hiervoor getuig Johannes weer die waarheid en onmiddellik na die doop in die Jordaanrivier—sodat hy Hom `n waardige ontvangs kan gee—wys hy die mense daarop dat die Een wie hy nou net gedoop het, **HY IS** van wie hy gespreek het tot die mense gedurende sy prediking oor bekering dat Hy wat na hom (Johannes) sal kom, **bestaan het voor hom**. In `n dieper sin beteken dit: **Hierdie is die oorspronklike fundamentele Lig en Eerste Oorsaak van alle lig en Bestaan** wat alle bestaan voorafgegaan het, en alles wat bestaan het, het daaruit voortgekom.

16 En uit Sy volheid het ons almal ontvang, ja, Barmhartigheid op Barmhartigheid.

[3] Hierdie Oorspronklike Lig, egter, is ook die ewige groot Glansrykheid in Elohim, en Elohim Homself is die Glansrykheid, hierdie Glansrykheid was van ewigheid af Elohim Homself binne Elohim, en alle wesens het hul bestaan en hul lig en hul onafhanklike lewe ontvang van die volheid van hierdie Glansrykheid.

[4] Daarom is alle lewe barmhartigheid van Elohim, wat die lewedraende vorm deur en deur vul. Want in dit self is dit dieselfde Glansrykheid van Elohim. Die oorspronklike lewe in elke mens is `n **EERSTE BARMHARTIGHEID** van Elohim, maar dit is beskadig deur die verswakking van die gevoel van verheffing deur die nederige gevoel van in bestaan kom, en daardeur voortspruitend, die onafwendbare

afhanklikheid van die Oorspronklike Lig en Eerste Oorsaak van alle bestaan.

[5] Omdat die eerste barmhartigheid binne die mens in gevaar was om totaal verlore te gaan, het die Oorspronklike Lig Homself in die wêreld gekom en het weereens die mense geleer om hierdie eerste barmhartigheid aan die Oorspronklike Lig oor te laat of eerder om totaal terug te keer na hierdie oorspronklike bestaan om hier `n nuwe lewe te ontvang vir die ou lig. En hierdie ruiling is die **ONTVANG VAN BARMHARTIGHEID OP BARMHARTIGHEID** oftewel die weggee van die ou, verswakte, heeltemal nuttelose lewe vir `n nuwe, onvernietigbare lewe in en van Elohim in alle volheid.

[6] Die eerste barmhartigheid was `n noodsaaklikheid waarin daar nóg vryheid nóg

ewigheid is. Maar die tweede barmhartigheid is **volkome vryheid** sonder enige dwang en daarom, omdat dit nie gedwonge of geforseerd is deur enigiets nie, **ook vir ewig onvernietigbaar**. Want waar daar geen vyand is nie, is daar ook geen vernietiging nie. Met die begrip vyand moet verstaan word alles wat `n vrye bestaan verhoed.

***1Petrus 1:23** want julle is van Bo gebore, nie uit verganklike saad nie, maar uit **onverganklike**, deur die **lewende Woord van Elohim (JaHshua)** wat tot in ewigheid bly.*

***Hebreers 12:28** Daarom, omdat Ons 'n **onwankelbare Koninkryk** ontvang, laat Ons dankbaar wees, en so Elohim welbehaaglik dien met eerbied en vrees.*